

gethan / kein Schrift der Propheten ausge-
legt / alles verkeret / vnd im liecht öffentlich
nichts gethan / Sondern in irem winckel
menschlinges / wie die Kinder der finsternis /
das ist / des Teuffels / eitel lestern / fluchen /
morden vnd liegen / wider die rechten Jüden
vnd Israel (das ist / wider die Apostel vnd
Propheten) geübet haben / vnd noch üben
teglich / damit sie vber weisen / das sie nicht Is-
rael / noch Abrahams samen / Sondern / gift-
tige / Teuffelische feinde sind / des rechten Is-
raels vnd Abrahams kinder / dazu der Heili-
gen schrift diebe / reuber vnd verkerer / Dar-
umb man / als von öffentlichen dieben / wider-
nemen sol die Schrift / wo es die Gramma-
tica gerne gibt / vnd sich mit dem Newen Te-
stament reimet / wie die Aposteln vns Exem-
pel reichlich gnug geben .

Wil also wider zu den Letzten Worten
Davids komen / wie ichs Büchlin anfieng /
vnd das Krentzlin mit dem ende vnd anfang
zu samen binden / Denn ich gnug herumb
geschweiffet habe / Andere konnens vnd wer-
dens (hoff ich) besser machen / vnd den **DE**
XXI Christum / in dem Alten Ebreischen
Testament vleissig suchen / Denn er lesst sich
gern drinnen finden / sonderlich in dem Psalter
vnd Isaia / Versuchs noch der Regel droben
gegeben / so wirstu mir wol glauben / vnd Got-
te danck